

## **Universitätsbibliothek Paderborn**

**Ioannis S. R. E. Cardinalis Bona Opera Omnia**

Tribus Tomis comprehensa

Opvscvla Spiritvalia - I. Horologium Asceticum. II. Principia Vitae  
Christiana. III. Manuductio ad Coelum. IV. Via Compendii ad Deum. V. De  
Sacrificio Missae. VI. De Discretione Spirituum ... Operum Eminentiss.  
Cardinalis, Tom. I

**Bona, Giovanni**

**Parisiis, 1677**

§. 5. Quomodo quisque se gerat cum in aliquod peccatum lapsus est

**urn:nbn:de:hbz:466:1-9969**

indulgentia illius Ecclesiae. Tandem omnes actus supra  
scriptos unies cum meritis Christi & eorumdem Sancto-  
rum ; & sic ex corde sanctissimae Trinitati offeres ad  
eius gloriam , & honorem.

§. V. *Quomodo quisque se gerat cum in aliquod peccatum  
lapsus est.*

**S**I te contingat sive ex fragilitate , sive ex malitia in  
aliquod peccatum , vel defectum incidere , mentem  
protinus convertes ad Deum. Et primùm quidem vilita-  
tem tuam ad animum revocabis , & actum odii erga te-  
ipsum exercebis. Deinde recolliges te , & converfus ad  
Deum dices : *Domine Deus meus , ecce gessi me qualis sum.*  
*Quid enim à me aliud expectandum quam sordes , lapsus ,*  
*atque peccata ? Doleo Deus meus ex toto corde meo , & fa-*  
*teor , quod multò deteriora perpetrassem , nisi me singula-*  
*riter tenuisset dextera tua. Ideo gratias tibi ago , precor que*  
*ne sanctissimam Majestatem tuam me deinceps offendere*  
*permittas.* Hæc ubi sincero corde effuderis coram Deo ,  
non eris sollicitus , peccatumne dimiserit an non : nam  
hæc curiositas superbiam sapit , & est gravissimus laqueus  
diaboli , mentem reddens inquietam sine fructu. Te ip-  
sum itaque in paterna brachia clementissimi Dei projiciens ,  
exercitationes tuas resumes , ac si nunquam lapsus  
fuisses. Pueri nondum satis fortes ad ambulandum saepius  
cadunt , & quia ex se surgere nequeunt , manum porri-  
gunt matri , quæ eos erigit : tu autem Deo carior es ,  
quam filius matri. Et licet una die saepius labaris , nul-  
latenus tamen de tua salute & emendatione despera-  
bis ; sed solita exercitia iterum cum fervore inchoabis ,  
omnibus viribus contendens , ut internam quietem ani-  
mæ recuperes , & purè ad Deum te convertas. Turbatio  
enim ex admisso peccato proveniens , non est indi-  
cium doloris ob offensam Dei , sed damnorum quæ ti-  
mentur , præfertim in diminutione famæ & existimatio-  
nis apud alios. Animi vero quietem sic ferè comparabis .

Facta ad Deum conversione & petita peccati venia ; ipsiusmet peccati penitus oblivisceris & solam ineffabilem dilectionem Dei contemplaberis , qua summopere desiderat se tibi unire & aeternae beatitudinis te partipem efficere. Sic constituto corde in pia quadam tranquillitate , iterum lapsus tuos recogitabis , totoque corpore prostratus coram Deo, dices : *Ecce Domine , hic ante pedes tuos jacens manebo , nec discedam , nisi venia* & *consolatione accepta . Si vis me mortem quantumvis acerbam subire in poenam multiplicium peccatorum meorum , occide me , percutie , me . sed flagellis & morte temporali , ut non maneam in eternum separatus a te . Ingemisco tanquam nubes , culpa rubet vultus meus , supplicanti parce Deus . Surge deinde & detege , ac confitere lapsum tuum simpliciter & humiliter Patri spirituali cum certa fiducia obtentae a Deo indulgentiae . Abstinebis autem a crebrioribus reprehensionibus & internis afflictionibus , quae a diabolo quandoque sunt , satagente hujusmodi turbationibus hominem inquietum , pusillanimem & tardum ad bona opera efficere . Tandem his verbis exercitium concludes .*  
*Benedictus es Domine , dace me facere voluntatem tuam . Fac mecum signum in bonum , ut videant qui oderunt me & confundantur , quoniam tu Domine adjuvisti me & consolatus es me . Paratum cor meum Deus , paratum cor meum ad faciendam voluntatem tuam . Loquere Domine , quia audit servus tuus . Pax , & benedictio tua sit super me semper . Amen .*

§. VI. *De generali quadam Confessione spiritualiter peragenda .*

**O**ptimum exercitium ad expurgandam animam a peccatis, est aliquoties in anno ante præcipuas festivitates generalem totius viræ confessionem non sacramentalem , sed spiritualem peragere . Differt haec a sacramentali , quod illa Sacerdoti , haec Deo fit : illa suos habet effectus ex opere operato , ut aiunt Theologi , haec ex opere